



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XCI. Ab usura etiam vix, aut ne vix quidem excusari potest
cambium cum recambio, quod Itali vocant Con la ricorsa, aliterque
appellari solet Bizontinum, nut Placentinum.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

Thomas dicit q. 78. a. 2. ad 7. *expectatio pretii solvendi habet rationem mutui: unde quidquid ultra justum premium pro huiusmodi expectatione exigitur, est quasi premium mutui, quod pertinet ad rationem usure.*

Tertia iustitiae lex pro cambiis, est ut servetur justum premium, id est lege, vel communis consuetudine, vel proborum hominum in arte campfiorum peritorum judicio taxatum.

C A P U T X C.

Ufurarium est lucrum ex cambio Francofurtensi, sive ad nundinas, praeceps fundatum in expectata solutione.

951 **C**ambium Francofurtense est quo campario numerat hic pecuniam, à campario reddendam Francofurti peractis nundinas, cum lucro tanto ampliori, quanto longiori tempore distant nundinas. Hoc usurarium esse constat ex proximè dictis: quia dum lucrum exigitur tanto majus, quanto longius tempore distant nundinas, praeceps exigitur ratione dilata solutionis. Qua dilatio, seu expectatio, cum habeat rationem mutui, lucrum exigitur ex mutuo. Quod est usura.

952 Cambium proinde Francofurtense iustificari nequit ex ista temporis dilatione praeceps, sed solum ex titulis lucri cessantis, vel damni emergentis. Sed neque hoc titulo lucrum exigi potest, nisi servatis conditionibus ad hoc in mutuo requisitis. Quas vix unquam à mercatoribus observari dicit Illustrissimus Genetus ubi suprà tr. 5. c. 1. quia vix unquam cambiant dilatâ solutione, nisi dum pecunia ipsis alioqui manet inutilis in arca, deficiente aliâ occasione ad lucrum. Et sic lucrum ex cambio ad terminum ferè semper (inquit) est ipsis usurarium: quia cambium istud vix unquam ipsis est causa alterius lucri cessantis, vel damni emergentis.

C A P U T X C I.

Ab usura etiam vix, aut ne vix quidem excusari potest cambium cum recambio, quod Itali vocant Con la ricorsa, alterque appellari solet Bizontinum, aut Placentinum.

953 **P**raxiis istius cambii est talis: Titius hic, v. g. Leodii, indigens aureis mille, petit eos mutuò à Sempronio. Recusat Sempronius mutuum, sed offert cambium, ut peccatum usura subtiliter effugiat. Scit hominem istum non habere pecuniam Bizontii vel Placentiae, offert tamen ipsi cambium, paratus ipsis Leodii numerare mille aureos, Bizontii vel Placentiae restituendos. Respondet Titius se ibi nec pecunias habere, sive in re, sive in spe, sive sub credito, nec per se, nec per amicum, vel cor-

respondentem, aut procuratorem, paratum nomine ipsis solvere. Habeo (inquit Sempronius) meum ibi procuratorem, illum tibi assigno, ut sit procurator, & meus, & tuus, & mihi ibidem pro te respondeat, susceptumque in se debitum tuum sibi tamquam procuratori mihi solvat, eandemque deinde pecuniam mihi per recambio Leodum remittat. Et sic Sempronius mille florinos, à se Leodii datos, sub specie titulo cambii localis, Leodii quoque recipit, sub titulo recambio, cum lucro tam cambii, quam recambio. Quæritur an licet & justè?

Sylvester, Navarrus, Saloniūs auunt id esse speculativè licitum, sed prorsus in praxi difluendum: quia valde periculosum, & palliandi usuris obnoxium.

Alii vero speculativè & practicè dicunt prorsus esse illicitum. Et reverà ita est. Quia dum Sempronius, videns Titium hic, v. g. Leodii, summâ illâ indigere, non vult ipsi dare, nisi sub circuitu cambii & recambio pecuniam illam Leodii restituar, moraliter & in effectu non vult verum & reale cambium locale, sed mutuum, ex quo vult duplex lucrum cambii & recambio, non utique veri, sed ficti & larvati. Videt enim Titius non indigere cambio & recambio, sed mutuo; videt ipsum non indigere pecunia virtualiter trajectâ Bizontium vel Placentiam, atque inde remissâ Leodium; ad istos tamen circuitus & ambages, ad ista (inquam) onera indebita moraliter cogit ipsum, dum nec summa illam mutuo dare vult, & ne quidem sub onere cambii, nisi simul accepte & onus recambio. Quis non videt usurarium ipsum animum mentientem sibi? Quis non videt ista omnia geri fictè, non fieri? Reverà enim nec est ibi locale cambium, nec recambio: cùm pecuniam numeret & recipiat eodem in loco. Est ergo purum putum mutuum, per subtilem ambages, seu potius inanes larvas illas palliatum, ac ratione duplicitis lucri cambii & recambio dupliciter usurarium. Aliud est, si tam campfarius, quam campfior, verè intenderent cambium & recambio; at certum est campfarium id non intendere, nec petere, cùm non egeat summa illâ Placentiae, nec remissione illius Placentiae Leodium; propterea campfarius, seu potius Titius, id non petuit, sed mutuum. Quod dum Sempronius dare noluit, nisi sub onere cambii localis, reverà tamen non intendit localiter cambiare, sed pecuniam eodem in loco recipere. Intentio quippe ipsius alia non fuit, quam dandi pecuniam Leodii, cum obligatione cam reddendi Leodii, sub duplice lucro illo, fictis praetextibus cambii & recambio palliato. Nam reverà praetextus illi cambii & recambio fictiti sunt: certumque est in eos Titium non contentire, nisi necessitatum, & ad hoc à Sempronio pecuniam necessariam aliter dare nolente coactum.

955 Præterea Sempronii injustitia manifesta videtur, in eo quod licet recambii onus forte non deducat in pactum, dum cambium, seu pecuniam Placentia recipiendam offert Titio, sciens Titum eam ibi non indigere: ad istud nihilominus onus moraliter, & in effectu ipsum cogit, ut avarum animum suum, duplice lucro inhiat, pascat, dum postulata summa aliter dare non vult, nisi per cambium ad Placentiam, sciens sic datam sublevandæ Titii necessitatē proficuum esse non posse, nisi rursus Placentiæ Leodium traiiciatur. Atqui perinde injustum est cambio recambii onus adjicere morali coactio- ne, quam illud adjicere pacto. Quod certum est, salvâ justitiâ, fieri non posse: ut pote quæ non permittit contractū propriam æqualitatem, proprioque onera habent, aliud onus indebitum pretio æstimabile superaddere, nisi onus istud aliunde compen- setur. Videnda quæ in simili dicta sunt de eo qui petenti mutuum vendit aliquid cum pacto retrovenditionis. Videntis item san- ctus Antoninus 3. p. tit. 8. c. 3. §. de ne- gotiatoribus, ubi sic: *Campsor committit usu- ram, si principaliter intendit exercere tale mu- tum, quod cambium vocat, non ut serviat, sed ut magis lucretur: quia magis per viam illam lucretur, quam per viam negotiationis; & in- tentio lucri ex mutuo, implicito vel explicito, facit usurarium.*

C A P U T X C I I .

Definitio testamenti, ejusque species.

956 **T**estamentum 1. *testamentum ff. de te- stamentis, definitur, voluntatis nostræ justa sententia, de eo quod quis post mortem suam fieri vult.*

Dicitur 1°. *justa sententia, seu dispositio:* quia ad testamenti valorem necesse est ut eo serventur conditiones jure requisitæ, v.g. numerus testium, &c.

2°. *voluntatis nostra:* quia testari non possunt, qui suæ voluntatis, sui juris non sunt, ut mancipia, filii-familias, insensati, prodigi, & quicumque sub aliena sunt potestate.

3°. *de eo quod post mortem suam fieri vult:* quia, ut valeat Testamentum, mors necesse est intercedat testatoris, Hebr. 9. utpote cuius voluntas usque ad mortem ambulatoria est, & revocabilis, ut dicitur L. 4 ff. de adimend. vel transferend. legat.

957 Hinc confat, testamentum esse disposi- tionem, & quasi contractum ultimæ volun- tatis. Ultimæ namque voluntatis species sunt testamentum, codicillus, legatum, fidei- commissum, & donatio causâ mortis. Qua- tuor posteriores dici etiam solent species te- stamenti: quia sunt justa voluntatis nostra sententia de eo quod post mortem nostram fieri desideramus.

Codicillus est ultimæ voluntatis dispo- sitio, quâ circa testamentum aliquid explicatur, demitur, additur, aut aliter immutatur, circa hæredis institutionem.

Circa hoc tamen est advertendum, quod 958 licet testamentum de jure communi in hoc differat à codicillo; moribus tamen nostris testamentum in Belgio nullam requirit hæ- redis institutionem. Quippe *sine hesitatione tenendum est* (ait Clarissimus Stockmansius decil. 2.) *etiam valere testamentum sine aliqua hæredis institutione, adeo ut hodie non distinguatur inter testamentum & codicillum, confu- so jure utrinque ultima voluntatis, & dicatur communiter, omnia testamenta esse codicillata;* *ad eo usque condat testamentum, nullo hærede instituto, valebit ut codicillus: si vero codicil- lus, instituto hærede, valebit ut testamentum.* Ita etiam Gudelinus de jure noviss. l. 2. c. 5.

Legatum est ultimæ voluntatis dispositio, 959 quâ testator aliquid alteri ab hærede dire- cte donat de re, quæ alias hæredis foret.

Fidei-commissum est ultima voluntatis dis- positio, quâ testator sui hæredis, vel legata- ri fidei committit aliquid tradendum alteri. Differt à legato, quod per illud aliquid alteri solum detur indirecte, & mediante, me- diante scilicet hærede, vel legatario.

Testamentum dividitur etiam in clausum, 960 & apertum; in solemne, & non solemne. *Clausum* dicitur, quod fit quidem in scriptis, sed secretò à testatore, vocatis ad illud No- tario & testibus, testamenti contentum ig- norantibus iis, quibus traditur approban- dum. *Aperium*, seu nuncupativum, est quod fit præsentibus testibus, sed sic ut ipsis aper- te contentum declaretur.

Solemne, vel non solemne dicitur, prout ha- bet vel non habet solemnitates jure requisitas.

Testamentorum cognitionem Anselmo 961 Trib. c. 26. dicit toto ferè Belgio spectare ad Episcopum, excepta Hannoniæ, in qua Archiepiscopus Cameracensis cognoscit de testamentis Clericorum, de Laicorum testa- mentis Judex secularis.

C A P U T X C I I I .

Solemnitates ad testamentum requisita.

Ture communi necesse est ut ei subscri- 962 bant septem testes, masculi, & puberes; ad id rogati, simul concurrentes, & ipse ei- tiam testator ei subscribat (si sciat scribere) & hæredem directe initiat, & nul- lum liberorum excludat, nisi legitimè ex- hæreditatem. L. 2. Inst. tit. 10. §. ult. & L. *Si uniu. Cod. de testam. L. bac consuli- fima §. per nuncupationem Cod. eod.*

Jure autem proprio Belgii nostri ista non 963 requiruntur: quia anno 1611. Albertus & Isabella statuerunt, ut ubique in condendis testamentis servarentur locorum consuetudi- nes; alias flaretur Edicto perpetuo, quo sta-

Nnn 3